

**ხელშეკრულება №01-130/2018**  
**სახელმწიფო შესყიდვის შესახებ**  
**(გამარტივებული შესყიდვა)**

ქ.თბილისი

12 ივნისი, 2018წელი

შემსყიდველი: სსიპ - ცხოველთა მონიტორინგის სააგენტო, წარმოდგენილი დირექტორის ვახტანგ ლომჯარიას სახით (შემდგომში წოდებული „შემსყიდველად“)  
 მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;  
 საიდენტიფიკაციო კოდი: 205316399;  
 საბანკო რეკვიზიტები: სახელმწიფო ხაზინა, ხაზინის ერთიანი ანგარიში ზ/კოდი: TRESGE22

მიმწოდებელი: შპს „გომეკო-13“, წარმოდგენილი დირექტორის მერაბ მეგრელიშვილის სახით (შემდგომში წოდებული „მიმწოდებლად“);  
 იურიდიული მისამართი: ქ. თბილისი, ნ.ხომარაულის ქ. №24 ბინა №5;  
 საიდენტიფიკაციო კოდი: 401989425;  
 საბანკო რეკვიზიტები: სს „საქარველოს ბანკი“, ბანკის კოდი: BAGAGE22, ა/ა: GE60 BG000 0000 35 93 46 900;

ერთი მხრივ შემსყიდველი, ხოლო მეორე მხრივ მიმწოდებელი, ხელმძღვანელობენ რა საქართველოში მოქმედი კანონმდებლობით, ადასტურებენ, რომ „სახელმწიფო შესყიდვების შესახებ“ საქართველოს კანონის, მე-3 მუხლის პირველი პუნქტის „ს“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“ -ს მე-2 მუხლის „ა“ პუნქტის თანახმად, გამარტივებული შესყიდვის წესით დებენ წინამდებარე ხელშეკრულებას შემდეგზე:

**1. ხელშეკრულების საგანი**

- 1.1. წინამდებარე ხელშეკრულების საგანს წარმოადგენს, შემსყიდველის მიერ, მიმწოდებლისგან ხელშეკრულების 1.2 პუნქტში მითითებული საყურე ნიშნების და აპლიკატორის (შემდგომში – საქონელი) შესყიდვა (cpv03340000 - ცხოველის ბირკები/ საჭდეები);
- 1.2. საქონლის მახასიათებლები:

№	დასახელება	აღწერილობა	რაოდენობა	გაზ-ება	ერთ. ფასი (ლარი)	თანხა (ლარი)
1.	საყურე ნიშნი (ბირკა)	ცხოველთა საიდენტიფიკაციო საყურე, მასალი: პოლიეთილენოქლორიდი, მკვალის დაბოლოებით, გამოიყენება ძაღლის იდენტიფიკაციისთვის. საყურე ნიშნის ზედა ნაწილზე უნდა იყოს ნომერი და წარწერა შვი ფერით შესრულებული, საყურის ფერი შემსყიდველთან შეთანხმებით.	2950	ცალი	1,67	4926,50
1.	აპლიკატორი	საყურის აპლიკატორი, მკვალის	1	ცალი	63,50	63,50
					<b>ჯამი</b>	<b>4990,00</b>

**2. მხარეთა უფლება-მოვალეობები**

- 2.1 მიმწოდებელი ვალდებულია:
  - 2.1.1. გადასცეს შემსყიდველს უნაკლო საქონელი, წინამდებარე ხელშეკრულების პირობების შესაბამისად ხელშეკრულების გაფორმებიდან 25 (ოცდახუთი) სამუშაო დღეში.
  - 2.1.2. საყურე უნდა შედგებოდეს ერთმანეთთან შეერთებადი ორი ნაწილისაგან, საყურე ნიშნის ზედა ნაწილზე უნდა იყოს ნომერი და წარწერა;
  - 2.1.3. საყურე ნიშნები მარკირებული უნდა იყოს შემდეგი არაგანმეორებადი ნომერებით: 09801-დან 12750-ის ჩათვლით. საყურე ნიშნები დაკომპლექტებული და დაფასოებული უნდა იყოს ნომრების თანმიმდევრობის მიხედვით, შესაფუთ ყუთებს გარედან უნდა ეწეროს მათში დაფასოებული საყურე ნიშნების ნომრები;
  - 2.1.4. საიდენტიფიკაციო საყურეები და აპლიკატორი არ უნდა იყოს დაზიანებული, უხარისხო, არასტანდარტული, დაზიანებების მქონე შესყიდვის ობიექტის აღმოჩენის შემთხვევაში, მიმწოდებელმა ყოველგვარი წინაპირობის გარეშე, გონივრულ, მაგრამ არაუმეტეს 2 (ორი) სამუშაო დღის ვადაში უნდა გამოასწოროს ნაკლოვანებები ან/და გონივრულ ვადაში შეცვალოს ისინი ახლით და აღწარმოოს შემსყიდველს უხარისხობით მიყენებული ზიანი ან/და ზარალი.
  - 2.1.5. მხარეთა შორის მიღება-ჩაბარების აქტის გაფორმებისთანავე, წარუდგინოს შემსყიდველს შესაბამისი საგადასახადო დოკუმენტაცია, წინამდებარე ხელშეკრულების 5.2 პუნქტის შესაბამისად.
  - 2.1.6. დაიცვას ხელშეკრულებით გათვალისწინებული ყველა პირობა.



2.1.7. მიწოდებლის მიერ მიწოდებულ საყურე ნიშნებს უნდა მოყვებოდეს შესაძენი საყურე ნიშნების შესაბამისი აპლიკატორი (საყურე ნიშნის დასამაგრებელი ხელსაწყო); აპლიკატორი უნდა უზრუნველყოფდეს საყურე ნიშნის ერთი მოქმედებით დამაგრებას, არ უნდა მოხდეს საყურე ნიშნის არასრული ჩაკეტვა და ნაწილების ერთმანეთთან აცდენა;

2.1.8. მიწოდებელი ვალდებულია საქონლის მიწოდებასთან ერთად წარმოადგინოს, შესყიდვის ობიექტის მწარმოებლის ISO სერტიფიკატი.

2.2 მიწოდებელი უფლებამოსილია მოსთხოვოს შემსყიდველს შესყიდვის ობიექტის ღირებულების ანაზღაურება წინამდებარე ხელშეკრულებით გათვალისწინებული პირობების შესაბამისად.

2.3 შესყიდველი ვალდებულია:

2.3.1. მოახდინოს ანგარიშსწორება მიწოდებელთან წინამდებარე ხელშეკრულების შესაბამისად;

2.3.2. უზრუნველყოს საქონლის მიღება.

2.4 შესყიდველი უფლებამოსილია მოსთხოვოს მიწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება.

3. ხელშეკრულების ღირებულება

3.1 წინამდებარე ხელშეკრულების სრული ღირებულება შეადგენს 4 990.00 (ოთხიათასცხრასოთხმოცდაათი) ლარს;

3.2. ერთეულის ღირებულება მოცემულია 1.2 პუნქტში.

3.3. წინამდებარე ხელშეკრულებით გათვალისწინებული ღირებულება შეიცავს მიწოდებლის ყველა ხარჯებსა და საქართველოს კანონმდებლობით დადგენილ გადასახადებს.

4. ანგარიშსწორების წესი

4.1. მხარეთა შორის ანგარიშსწორება მოხდება ეროვნულ ვალუტაში, უნაღდო ანგარიშსწორების წესით.

4.2. შემსყიდველი ვალდებულია საქონლის მიღების და მხარეთა შორის მიღება-ჩაბარების აქტის გაფორმებიდან და შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში მოახდინოს წინამდებარე ხელშეკრულებით გათვალისწინებული ღირებულების ანაზღაურება.

4.3. საქონლის გადაცემის თარიღად ითვლება მხარეთა მიერ მიღება-ჩაბარების აქტზე ხელმოწერის თარიღი.

5. საქონლის შესყიდვის ადგილი, ვადები და მიღება-ჩაბარების წესი

5.1. საქონლის მიწოდების ადგილია: ქ. თბილისი, თვალჭრელიძის №17ა (ცხოველთა თავშესაფარი);

5.2. საქონლის შესყიდვის პარალელურად, მიწოდებელი ვალდებულია უზრუნველყოს საქართველოში მოქმედი კანონმდებლობით გათვალისწინებული თანხსუბი დოკუმენტაციის წარდგენა შემსყიდველისათვის (სასაქონლო ზედნადები და არსებობის შემთხვევაში, საგადასახადო ანგარიშშუაქტურა).

5.3. საქონელი ჩაითვლება მიღებულად, საქონლის მიწოდების, 2.1.8. ქვეპუნქტში აღნიშნული სერტიფიკატის წარმოდგენისა და მხარეთა შორის, აღნიშნულის თაობაზე გაფორმებული მიღება-ჩაბარების აქტის ხელმოწერის დღიდან. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება სსიპ - ცხოველთა მონიტორინგის სააგენტოს ცხოველთა კონტროლისა და რეგულირების დეპარტამენტის ცხოველთა თავშესაფრის (განყოფილების) უფროსის მოადგილეს მამუკა საყვარელიძეს.

6. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2018 წლის 15 სექტემბრის ჩათვლით.

7. ხელშეკრულების ინსპექტირება

7.1 შემსყიდველი უფლებამოსილია ნებისმიერ დროს განახორციელოს საქონლის შემოწმება.

7.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცხადებს მიწოდებელს წუნდების მიზეზების მითითებით.

7.3. წინამდებარე ხელშეკრულების 7.1 პუნქტით გათვალისწინებული კონტროლისა და ზედამხედველობის განხორციელება ევალება სსიპ - ცხოველთა მონიტორინგის სააგენტოს წარმომადგენელს სსიპ - ცხოველთა მონიტორინგის სააგენტოს ცხოველთა კონტროლისა და რეგულირების დეპარტამენტის ცხოველთა თავშესაფრის (განყოფილების) უფროსის ზურაბ ლატარიას.

8. ხელშეკრულების შეწყვეტა

8.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

8.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიწოდებლისთვის ვალდებულების შესრულების შეუძლებლობის წერილობითი შეტყობინების შემდეგ, თუ:

8.2.1. ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიწოდებელს არ შეუძლია საქონლის სრულად ან ნაწილობრივ მიწოდება;

8.2.2. მიწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;



8.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

8.2.4. საქართველოს კანონმდებლობით გათვალისწინებულ სხვა შემთხვევებში.

8.3. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

#### **9. მხარეთა პასუხისმგებლობა**

9.1. მხარეების მიერ წინამდებარე ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად;

9.2. თუ ხელშეკრულების რომელიმე მხარე საერთო არ შეასრულებს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უმედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება;

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ წინამდებარე ხელშეკრულებით ნაკისრი ვალდებულების შეუსრულებლობით;

9.4. მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის შემთხვევაში შემსყიდველი უფლებამოსილია დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო ხელშეკრულების საერთო ღირებულების 10%-ის ოდენობით;

9.5. რომელიმე მხარის მიერ წინამდებარე ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,1%-ის ოდენობით.

#### **10. ფორს-მაჟორი**

10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაგუროვანი შესრულების ან ვადის გადაცილებისათვის თუკი, შეუსრულებლობა გამოიწვეულია ფორს-მაჟორული გარემოებებით.

10.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელიც არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

#### **11. ხელშეკრულების პირობების გადასინჯვის წესი**

11.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ წინამდებარე ხელშეკრულებას ან დადებდნენ სხვა შინაარსით, ეს ცვლილებები რომ გათვალისწინებინათ.

11.2. წინამდებარე ხელშეკრულების 11.1. პუნქტით გათვალისწინებულ შემთხვევაში შეძლება მოითხოვნილ იქნეს ხელშეკრულების მისადაგება შეცვლილი გარემოებებისადმი.

11.3. გარემოებათა შეცვლას უთანაბრდება, ის გარემოება, როდესაც წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

11.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა წინამდებარე ხელშეკრულების 11.1, 11.2. და 11.3. პუნქტებით გათვალისწინებული შემთხვევებისა.

11.5. ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება, ან უარესდება ხელშეკრულების პირობები დამკვეთი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

11.6. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობის გაზრდა.

#### **12. ხელშეკრულებაში ცვლილებებისა და დამატებების შეტანის წესი**

12.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წინასწარ, ცვლილებების განხორციელების სასურველ თარიღამდე სამი სამუშაო დღით ადრე, წერილობით შეატყობინოს



მეორე მხარეს, წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

12.3 წინამდებარე ხელშეკრულების პირობების ნებისმიერი ცვლილება და დამატება უნდა გაფორმდეს დამატებითი შეთანხმების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

### 13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას (არ იგულისხმება "ფორს-მაჟორი"), რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

13.2 იმ შემთხვევაში თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

### 14. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

### 15. დასკვნითი დებულებები

15.1 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს;

15.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4 წინამდებარე ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა. ერთი ეგზემპლარი გადაეცემა შემსყიდველს, ხოლო ერთი ინახება მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შემსყიდველი:

სსიპ - ცხოველთა მონიტორინგის სააგენტო



დირექტორი:


მიმწოდებელი:

შპს „გომეკ-13“

დირექტორი:

  
 / მერაბ მეგრელიძე /